

QVÆSTIO MEDICA.

CARDINALITIIS DISPUTATIONIBVS
MANE DISCVTIENDA IN SCHOLIS MEDICORVM,
Die Iouis xi. Martij,

M. HERMANO DE LAVNAY,
DOCTORE MEDICO, PRÆSIDE.

Antuendæ Valetudini frequens & moderata Purgatio?

OPTIMA & inculcata Valetudo nemini adhuc contigit; frustra votis expetita: quam penè immortales nos redderet, eximia temperie & peridonea concinnatione corpori: ad eam quæ propius accedit, censetur potissima; Est etiam quædam Valetudo à prima remotissima, & vicina morbo, nondum morbus, cui semper affideat Medicus, oportet; In altera rari morbi, nisi animi vitio aut graui casu inuehantur: sed gutturis & ventris vitia docemur à teneris, quin ad ipsa cogimur, inde est quod pauci homines bene valeant, infinitus autem sit eorum numerus, qui valetudine nutent. Causarios facit viscerum mala natura, prauro-rum succorum ferax, illis intemperantes adscribit incauta vitæ ratio; si tamen ambo prudenti Medico credant, hi robusta, illi quantumvis tenuis longinquatamen valetudine perfruentur.

PRVdens Medicus tuendæ Valetudini non alimenta solum adhibet, vitur & medicamentis: neque alterantia sufficient, cathartorum etiam magnus vsus est. Malè habiti congerunt intra se plerimum impuritatis, quam frustra speres naturæ viribus abactum: illa difficilius, quod serius egeritur, suffocatura tandem vitæ flammam, nisi citissime, nullâ naturæ iniuria, submoueat; quia in dies, quasi Tityi fibræ, ad cruciatum diriectam, renascitur, minimum otij Medico impertitur: hinc alternant homines cogitationem, cui se potius cruciandos tradant, noxiis humoribus, an molestis medicamentis? Horum quæ mala sors, intemperantium studium videtur, quibus ex copia

bonarum rerum malæ nascuntur: tanta est istorum in vtendis vitæ com-
modis peruersitas.

VNdecumq; visceribus malè sit, seu naturâ, seu malâ consuetudi-
ne, vitium oblatum est, ex ingestis alimētis prauorum succorum
magnus fit proventus, consilio Medici sæpius ante natos morbos eue-
hendus: at etiam bene se habentibus coaceruantur impuri humores;
sunt, quos valida natura alui profluuijs, his sordibus liberat, quamdiu
vitæ cauent: verum quotusquisque nostrum vitæ satis attendit? aufert
aliò nec opinantes aut virtus aut vitium; sic resistant impuritates con-
clusæ visceribus, quæ vi partium remotæ paulisper, hærent in viis, &
morâ *καταλινεσθαι*, efficiuntque liquidioribus adhuc aliis, sua pe-
nè sponte prodituris; hæc oblata occasione, silentio morbi irrepunt,
perditi sic affectos, nisi tempestiuè occurrat *ὀρεῖνός*: Annon idem
qui Medicus? siquidem eadem vtriusq; opera est, neque hoc ille potiora
præstat: quid autem ambo vtilius præstiterint, quàm si frequentem &
moderatam purgationem instituunt, futurorum morborum tutissimam
profligatricem, dummodo conuenienter apparatus fuerit humor, à
quo non incassum metuitur?

TR I A purgantium medicamentorum genera Medici norunt, Ve-
hementia, inimica, & venenata vi formidanda: Lenia, proxima
cibis: & Mediocria, quibus præcipua purgandi laus. Vt se Tortorem
profitetur, qui tuendæ Valetudini *ὠφέλιμος*, veluti carnificinæ instru-
menta, admouet; frustraneum, qui leuioribus eccoproticis vitur: sic
palnam meretur vnus, qui è Purgantium classe tutum aliquod, & sine
damno efficax eligit, quale Sena perhibetur, quibus conuenit *πύργιστος*
medicamentum, & certissima Panacea, antidotis contrà æstimanda.
Qui hac spreta purgandi ratione, aliam vsurpat, optato fine vix potitur:
Nam si parcis medicamento, & eo vteris, quod faceffit in alimentum,
inquinas alienæ rei permistione bonos succos, prauos impuras magis, at-
que ipso quod metuis, grauiorem morbum arte moliris. Si autem tru-
culentiore medicamento imminentibus morbis occurfes, quod tarda-
re fatum cogitas, lethali potione miser occupas, nimiaque cura Medi-
cum exuis. Moderata purgatio *καταλινεσθαι* humore sine detrimento
naturam leuat, dum purgantis medicamenti vis paulatim subit viscera,
& tardantes in illis crassos impurosque humores secum aufert, in illo su-
persiste molesto sensu deterforum viscerum. Hoc opus est vnus Me-
dici, reliquæ purgandi rationes ad inertes pertinent.

PURGATIO rite instituta nunquam nocet, quia neque vires afficit, neque indiscriminatim quosvis humores protrudit, vitiosos & superfluos duntaxat trahit; ne leuissimè quidem commotis aliis. Sepe & tutò vsurpatur, & quoties aliquid alieni nostris in corporibus latet, quod solertis Medici cura priùs mitificauerit. Certè, ex reliquiis alimentorum succrescunt quotidie mala morborum semina, vitiosi & rebelles succi, qui, nisi medicamento coacti, naturæ non satis parent, neglectique à Medico, resistunt in viis; hac mora putrescunt; & putredine vltulati, atræ bilis naturam quodammodo induunt. Eludunt igitur ignauiam Eccoproticorum, illos autem rapida Cathartica prætereunt, dum corporis colliquamenta, more torrentis turbidas aquas, præcipitant: Mediocrium verò Medicamentorum in eosdem supremam potestatem; ea lentius quidem agunt, sed certius: quippe in reconditissimos viscerum recessus sese insinuant, affinesque humores alliciunt, tum allectos, secum deportant: quid miraris aut quereris ab ipsis excitari tormina, dum it per intestina morbi materia? tam verè illud, quàm vulgò dicitur, non prodesse purgationem, quæ non torserit: sed ea desinente, dolores euanescent, succeditque turbis omnibus expeditissima corporis alacritas, & qualem disputaturus cum Zenone, elleboro querebat Carneades, cum perspicacissima mentis acie, pacatissima cogitatio.

Ergo tuenda Valetudini frequens & moderata Purgatio.

Proponebat Lutetiæ ROBERTVS PATIN,
Parifinus, An. R. S. H. M. DC. XLIX.

PARISIIS,

Prostant Exemplaria apud NICOLAVM BOISSET, Typographum
in Platea Malbertina, ad insigne D. Stephani.

*cette Opere est la 987^e du tome VI
in folio du recueil de Gesner.*